



Komunikadu Imprensa

28 Outubru 2015

FONGTIL, ASOSIASAUN HAK, JSMP HAMUTUK HO FORUM AZIA, SEACA no SAPA ORGANIZA WORKSHOP KONA-BA MEKANISMU DIREITU UMANUS IHA AZEAN

Durante loron rua 26-27 Outubru 2015, Forum ONG Timor-Leste (FONGTIL), JSMP no Asosiasaun HAK hamutuk ho Forum Asia, South East Asian Committee for Advocacy (SEACA), no SAPA-Working group on ASEAN organiza workshop kona-ba Direitu Umanus no Mekanizmu Direitu Umanus iha AZEAN.

Objetivu husi workshop ne'e mak atu fasilita no update ba ONG no sosiedade sivil sira iha Timor Leste kona-ba dezvoltamentu no mekanizmu direitu umanus iha Azia, atu familiariza participante sira ho vizaun no agenda comunidade AZEAN postu 2015 inklui atu diskute no identifika futuru no espetativa Timor-Leste tama ba AZEAN.

Iha workshop ne'e orador prinsipal sira ne'ebé partisipa husi Forum Azia mak Sra. Atnike Nova Sigiro no Sr. Daywin Prayogo, husi SEACA Sra. Corrina Lopa, no orador husi Timor-Leste rasik mak Exelénsia Vice Ministru dos Negosio Estrangeiru no Koperasaun, Sr. Roberto Sarmento de Oliveira Soares, Adjuntu PDHJ Sr. Horasio Boavida no Diretor Ezekutivu Luta Hamutuk, Sr Mericio Akara.

“Workshop ne'e hanesan instrumentu importante ida atu sosiedade sivil Timor Leste bele koñese liután asuntu ASEAN no nia mekanizmu direitus umanus ne'ebé mak organizasaun regional ida ne'e estabesele ona” dehan Diretor Ezekutivu FONGTIL, Sr. Arsenio Pereira.

Liutan nia mos subliña katak ho preparasaun Timór Leste nian atu sai membru AZEAN, sosiedade sivil tenke haforte liu tan nia koñesimentu atu nune'e bele kontinua monitoriza no fó hanoin ba prosesu preparasaun ne'ebé mak lidera hosi Ministériu Negósiu Estranjeiru.

Durante loron rua ne'e matéria ne'ebé apresenta no diskute mak kona-ba AZEAN nia istória, estrutura no AZEAN Charter, Mekanizmu Direitu Umanus iha AZEAN inklui Komisaun AZEAN entre Governu ba Direitu Umanus-*Intergovernmental Commission on Human Rights* (AICHR) no Komisaun ASEAN ba Protesaun no Promosaun Direitu Feto no Labarik-*ASEAN Commission on the protection and promotion of the rights of women and children* (ACWC), Industria extrativa-*Extractive Industry* iha Azean, Komuidade Azean postu 2015 vizaun no agenda,

futuru no espetativa Timor-Leste tama ba AZEAN (Perspetiva husi Ministériu Negósiu Estranjeiru no PDHJ).

Iha diskusaun grupu partisipante sira ativu tebes hodi fó sira nia hanoin kona-ba saida mak AZEAN, oinsá AZEAN relevánsia ba ema ida-idak, ho servisu, no comunidade no oinsá AZEAN bele ajuda ita nia comunidade?. Nune'e mós halo diskusaun kona-ba oinsá Sosiedade Sivíl iha Timor-Leste ninia envolvimentu iha AZEAN iha nivel nasional no regional.

Partisipante sira ne'ebé partisipa iha workshop ne'e inklui ONG sira, pontu fokál FONGTIL nian husi Munisípiu sira hanesan Covalima, Lautem, Baucau, Oeusse, Manufahi, Bobonaro, Eramera, Lospalos, Aileu, Liquica, Manatuto, no Viqueque.

Workshop ne'e ensera ho entrega livru no dokumentu sira kona-ba Futuru Direitus Umanus iha AZEAN nian ba partisipante sira no tara tais ba representa sira husi Forum Azia.

Atu hatene informasaun liután bele kontaktu:

FONGTIL, Asosiasaun HAK no JSMP

77432427/77257676/77402231